

দ্বিতীয় ক্যাম্পাসের ২০০ একর জমি বুঝে পেল জবি

জবি প্রতিনিধি



ছবি : সংগৃহীত

কেরানীগঞ্জের তেঘরিয়ায় জগন্নাথ বিশ্ববিদ্যালয়ের (জবি) দ্বিতীয় ক্যাম্পাসের ২০০ একর জমি বুঝে পেয়েছে বিশ্ববিদ্যালয় কর্তৃপক্ষ। মঙ্গলবার (৩ জুন) সকাল সাড়ে ১১টায় হস্তান্তরে বাকি থাকা ১১.৪০ একর জমি দাপ্তরিকভাবে হস্তান্তর করে ঢাকা জেলা প্রশাসন।

বিশ্ববিদ্যালয় সূত্রে জানা যায়, ২০১৮ সালে একনেক সভায় জগন্নাথ বিশ্ববিদ্যালয়ে ২০০ একরের নতুন ক্যাম্পাসের অনুমোদন পায়। তবে ২০২০ সালের ২৩ জানুয়ারি বিশ্ববিদ্যালয় কর্তৃপক্ষকে ১৮৮ দশমিক ৬০ একর জমি বুঝিয়ে দেয় ঢাকার জেলা প্রশাসন।

হস্তান্তর বাকি ছিল ১১ দশমিক ৪০ একর জমি।

জবির দ্বিতীয় ক্যাম্পাসের সংশোধিত প্রকল্প অনুমোদন



এর আগে গতকাল ঢাকা জেলা প্রশাসকের ভূমি অধিগ্রহণ শাখা-০২ এক বিজ্ঞপ্তিতে জমি হস্তান্তরের বিষয়টি জানানো হয়। এ জমি কেরানীগঞ্জ উপজেলার পশ্চিমদী মৌজায় অবস্থিত খাস খতিয়ানের অন্তর্ভুক্ত।

এ বিষয়ে ভারপ্রাপ্ত রেজিস্ট্রার অঅধ্যাপক ড. গিয়াস উদ্দিন বলেন, আজকের জমি হস্তান্তরের মাধ্যমে আমাদের স্থায়ী ক্যাম্পাস বাস্তবায়নের প্রক্রিয়া আনুষ্ঠানিকভাবে শুরু হলো।

এটি বিশ্ববিদ্যালয়ের জন্য একটি ঐতিহাসিক মুহূর্ত। আমরা দ্রুত টেন্ডার ও নির্মাণ কার্যক্রম শুরু করতে প্রস্তুতি নিচ্ছি।

তিনি আরো বলেন, সংশ্লিষ্ট সব দপ্তরের আন্তরিক সহযোগিতায় এই দীর্ঘপ্রতীক্ষিত কাজটি সম্ভব হয়েছে। এখন আমাদের লক্ষ্য, নির্ধারিত সময়ের মধ্যে মানসম্মত অবকাঠামো নির্মাণ সম্পন্ন করা।



জবির সাবেক অধ্যাপক আনোয়ারা কারাগারে

জমি বুঝে পাওয়ার বিষয়ে বিশ্ববিদ্যালয়ের
উপাচার্য অধ্যাপক ড. মো. রেজাউল করিম
বলেন, ‘এই জমিটুকু আনুষ্ঠানিক হস্তান্তর বাকি
ছিল। অবশেষে আমরা সেটাও বুঝে পেলাম।
আরডিপিপিও অনুমোদন হয়েছে। আশা করি
দ্রুতগতিতে দ্বিতীয় ক্যাম্পাসের কাজ এগোবে।’

এই জমি হস্তান্তরের মাধ্যমে আমাদের পূর্ণাঙ্গ
ক্যাম্পাস বাস্তবায়নের পথে বড় অগ্রগতি হলো।

খুব শিগগিরই নির্মাণ কাজ শুরু হবে বলেও জানান
তিনি।